



## NEGERI SABAH

[JPAN: 700-3/501/19 Kit.4 (65)]

### PEKELILING PERKHIDMATAN NEGERI SABAH BIL. 20/2014

### BANTUAN KHAS KEWANGAN TAHUN 2014

#### TUJUAN

1. Pekeliling Perkhidmatan ini bertujuan melaksanakan keputusan Kerajaan untuk memberi Bantuan Khas Kewangan (BKK) kepada pegawai Perkhidmatan Awam Negeri bagi tahun 2014.

#### LATAR BELAKANG

2. Kerajaan telah memutuskan supaya BKK sebanyak RM500.00 dibayar kepada pegawai Perkhidmatan Awam Negeri Gred 54 dan ke bawah di atas keprihatinan Kerajaan serta menghargai khidmat bakti penjawat awam.

3. Kerajaan juga bersetuju memanjangkan pemberian BKK sebanyak RM250.00 kepada pesara Kerajaan yang menerima pensyen.

## **PELAKSANAAN**

4. BKK diberi kepada semua pegawai Perkhidmatan Awam Negeri Gred 54 dan ke bawah tertakluk kepada syarat telah berkhidmat sekurang-kurangnya 30 hari berturut-turut termasuk Cuti Rehat, Cuti Sakit, Hari Rehat Mingguan dan Hari Kelepasan Am dalam tempoh 1 Januari 2014 hingga 2 Julai 2014.

### **Pegawai Yang Layak**

5. Pegawai Gred 54 dan ke bawah yang layak dibayar BKK adalah seperti berikut:

- 5.1. pegawai lantikan tetap, sementara, kontrak dan Pekerja Sambilan Harian (vot terbuka);
- 5.2. pegawai yang bercuti separuh gaji;
- 5.3. pegawai yang bercuti tanpa gaji/ dipinjamkan ke agensi yang diasingkan pengurusan saraannya atau syarikat swasta tetapi tidak sepanjang tempoh 1 Januari 2014 hingga 2 Julai 2014;

6. BKK juga dipanjangkan kepada Pekerja Sambilan Harian (PSH) (vot terbuka) yang masih berkhidmat pada 2 Julai 2014 tertakluk kepada syarat telah berkhidmat sekurang-kurangnya 30 hari berturut-turut termasuk Cuti Rehat, Cuti Sakit, Hari Rehat Mingguan dan Hari Kelepasan Am dalam tempoh 1 Januari 2014 hingga 2 Julai 2014.

## **Pegawai Yang Tidak Layak**

7. Pegawai yang tidak layak dibayar BKK adalah seperti berikut:
  - 7.1. pegawai dalam Kumpulan Pengurusan Tertinggi dan setaraf termasuk pegawai yang memangku Gred Jawatan Utama/Gred Khas;
  - 7.2. pegawai yang berkhidmat kurang daripada 30 hari berturut-turut dalam tempoh 1 Januari 2014 hingga 2 Julai 2014
  - 7.3. pegawai yang bercuti tanpa gaji sepanjang tempoh 1 Januari 2014 hingga 2 Julai 2014
  - 7.4. pegawai yang dipinjamkan ke agensi yang diasingkan pengurusan saraannya atau syarikat swasta sepanjang tempoh 1 Januari 2014 hingga 2 Julai 2014
  - 7.5. pegawai yang dikenakan hukuman tatatertib selain daripada hukuman amaran dalam tempoh 1 Januari 2014 hingga 2 Julai 2014 dan
  - 7.6. pegawai yang ditamatkan perkhidmatan demi kepentingan awam dalam tempoh 1 Januari 2014 hingga 2 Julai 2014.

## **Pegawai Yang Ditangguhkan Pemberian BKK**

8. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib, ditangguhkan pemberian BKK. Pegawai hanya layak dibayar BKK sekiranya Pihak Berkuasa Tatatertib mendapati pegawai tersebut tidak bersalah atau pegawai hanya dikenakan hukuman amaran.

## **Syarat Pembayaran**

9. BKK dibayar kepada pegawai Perkhidmatan Awam Negeri yang telah berkhidmat sekurang-kurangnya 30 hari berturut-turut termasuk Cuti Rehat, Cuti Sakit, Hari Rehat Mingguan dan Hari Kelepasan Am dalam tempoh 1 Januari 2014 hingga 2 Julai 2014.

## **Kaedah Pembayaran**

10. Pembayaran BKK ini adalah menjadi tanggungan jabatan di mana pegawai berkhidmat pada bulan pembayaran.

11. BKK kepada pesara Kerajaan yang menerima pencen akan dibayar oleh Bahagian Pasca Perkhidmatan, Jabatan Perkhidmatan Awam sebanyak RM250.00.

## Pesara

12. Bagi pegawai Perkhidmatan Awam Negeri yang bersara dalam tempoh 1 Januari 2014 hingga 2 Julai 2014 layak dibayar BKK pada kadar RM500.00 tertakluk kepada syarat pegawai telah berkhidmat sekurang-kurangnya 30 hari berturut-turut termasuk Cuti Rehat, Cuti Sakit, Hari Rehat Mingguan dan Hari Kelepasan Am dalam tempoh 1 Januari 2014 hingga 2 Julai 2014. Pembayaran sebanyak RM250.00 akan dibuat oleh Bahagian Pasca Perkhidmatan, Jabatan Perkhidmatan Awam dan bakinya sebanyak RM250.00 akan dibayar oleh jabatan terakhir pegawai berkhidmat.

13. Pesara Perkhidmatan Awam Negeri yang dilantik semula secara sementara dan *contract of service* layak dibayar BKK pada kadar RM500.00 tertakluk kepada pegawai telah berkhidmat sekurang-kurangnya 30 hari berturut-turut termasuk Cuti Rehat, Cuti Sakit, Hari Rehat Mingguan dan Hari Kelepasan Am dalam tempoh 1 Januari 2014 hingga 2 Julai 2014. Pembayaran sebanyak RM250.00 akan dibuat oleh Bahagian Pasca Perkhidmatan, Jabatan Perkhidmatan Awam dan bakinya sebanyak RM250.00 akan dibayar oleh jabatan pegawai berkhidmat pada bulan pembayaran.

14. Pegawai yang meninggal dunia dalam tempoh 1 Januari 2014 hingga 2 Julai 2014 layak dibayar BKK pada kadar RM500.00 tertakluk kepada pegawai telah berkhidmat sekurang-kurangnya 30 hari berturut-turut termasuk Cuti Rehat, Cuti Sakit, Hari Rehat Mingguan dan Hari Kelepasan Am dalam tempoh 1 Januari 2014 hingga 2 Julai 2014. Pembayaran sebanyak RM250.00 akan dibuat oleh Bahagian Pasca Perkhidmatan, Jabatan Perkhidmatan Awam dan bakinya sebanyak RM250.00 akan dibayar oleh jabatan terakhir pegawai berkhidmat.

## TARIKH KUAT KUASA

15. Pekeliling Perkhidmatan ini berkuat kuasa mulai tarikh ia dikeluarkan.

## PEMAKAIAN

16. Tertakluk kepada penerimaan pakai Pekeliling Perkhidmatan ini oleh pihak berkuasa masing-masing, peruntukan Pekeliling Perkhidmatan ini pada keseluruhannya dipanjangkan kepada semua Pihak Berkuasa Berkanun Negeri dan Pihak Berkuasa Tempatan Negeri.

**“BERKHIDMAT UNTUK NEGARA“**



**(TAN SRI SUKARTI BIN WAKIMAN)**

Setiausaha Kerajaan Negeri  
Jabatan Ketua Menteri  
**KOTA KINABALU.**

Tarikh: **08 JUL 2014**

s.k Setiausaha Tetap  
Kementerian Kewangan  
Wisma Kewangan  
**88593 KOTA KINABALU**

Bendahari Negeri  
Jabatan Bendahari Negeri  
**88595 KOTA KINABALU**

Pengarah Audit  
Jabatan Audit  
**88990 KOTA KINABALU**

Diedarkan kepada: Semua Setiausaha Tetap Kementerian Negeri  
Semua Ketua Jabatan Negeri  
Semua Pihak Berkuasa Berkanun Negeri  
Semua Pihak Berkuasa Tempatan Negeri  
Semua Pegawai Daerah  
Semua Penolong Pegawai Daerah, Daerah Kecil